



Аялаймын сені, Қызылорда!

Акмешіт

15 наурыз
сенбі

№19 (2132)

2025 жыл

Газет
1994 жылдың 15 сәуірінен
бастап шығады

• Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru

апталығы

■ БАС РЕДАКТОР БАҒАНЫ



НАУРЫЗНАМА: Мәні бөлек он күн

Мәшһүр Жүсіп бабамыз: «Қазақтың казак болғанда өзіне арналған, сыбағасына тиген жалғыз мейрамы – Наурызнама» деген екен. Сондай-ақ наурызнаманың кәдір-құны ас-тойдан жоғары екенін де атап айтқан. Қазак үшін Наурыз мерекесінің орны бөлек. Көктемнің лебі сезілетін, тіршіліктің бастауы саналатын жыл басы – Наурызды барша жұрт үлкен үмітпен қарсы алады. Табиғатпен үндескен казак тоқсан шығып, жыл бастауы болған Наурыз мерекесін бір күн емес, 10 күн тіпті бір ай тойлаған. 14 наурыздан басталатын Наурыз мейрамының алғашқы күні Амаз мерекесінен бастау алады. Еліміздің батыс өңірлерінде сақталған бұл дәстүр жыл өткен сайын халықтық сипат алып келеді. Төл мереке дегенде жаның жадырап, көңіліңе қуаныш сыйлайтын Амаз мерекесінің мәні бөлек. Бұл күні жылдан жылға аман-есен жеткеніне қуанған халықтың қуана көрісуінен бөлек, өкпе ренішіті ұмыту, үлкенге құрмет көрсету, казактың дәстүрін насихаттау астауып жатқандай. Тазалыққа мән беріліп, дастарханы жайылып, қазаны асулы тұратын бұл күн казактың болмысын аша түсетін, жүректерге жылылық ұялатын, ең ізгі амалдар жасалып, игі тілектер айтылатын күн.

Наурызнаманың әрбір күнінің өзіндік мәні бар. Бұл мерекенің мағынасын тереңдете түскендей. «Көрісу – Амаз мерекесі» (аман-саулық сұрасып, ағайынмен кездесулер және игі тілектер күні), «Қайырымдылық» (қайырымды істер күні), «Мәдениет және ұлттық салт-дәстүр» (ұлттық салт-дәстүр мен мәдениет күні), «Шаңырақ» (отбасы күні), «Ұлттық киім» күні, «Жаңару» күні, «Ұлттық спорт» күні, «Ынтымақ» (бірілік пен ынтымақ күні), «Жыл басы» және «Тазару» күнімен түйінделетін наурызнаманың тәрбиелік мәні зор.

Ендеше, казактың мейрамы басталды. Елімізде кешеден бастап жалпыхалық Наурызнама онқұндігі атап өтілуде. Орайы келгенде оқырманды кешегі Амаз мерекесімен, жаңа жасымен құттықтағанды жөн көрдік. Жылдан-жылға, Наурыздан-Наурызға аман-есен жете берейік, кәдірлі оқырман! Сөз кәдірін түсінетін, көзіқаракты оқырман барда ұлт тарихын таспалайтын газеттің ғұмыры ұзақ болатыны сөзсіз. Наурыз мерекесінде газет арқылы игі тілек жолдағыңыз келсе, ұмыт қалып бара жатқан салт-дәстүрді білсеңіз, хат жазыңыз! Бізге оқырман пікірі кашанда қымбат!

Гүлмира ДІЛДӘБЕКОВА

ЗАҢ МЕН ТӘРТІП – БІЗДІҢ МЫЗҒЫМАС ТҰҒЫРЫМЫЗ

Мемлекет басшысы Қасым-Жомарт Тоқаевтың Ұлттық құрылтайдың төртінші отырысында сөйлеген сөзі



Кәдірлі қауым!
Бүгін – Амаз күні. Сондықтан баршаныңды шын жүректен құттықтаймын. Бұл күн – Өз-Наурыздың бастауы. Еліміздің төл мерекесі биыл да қасиетті Ораза айына орайлас келіп отыр. Қасиетті мейрамдарымыз халқымызды игі амалдар жасауға үндейді. Асыл қасиеттерімізді кенінен дәріптейді.

Құрылтайдың ұлық мерекелермен қатар өтіп жатқаны жақсылықтың нышаны деп ойлаймын. Осыдан үш жыл бұрын наурыз айында арнайы Жолдау жариялады. Оны жақсы білесіңдер. Елімізді түбегейлі жаңғырту үшін ауқымды реформа жасайтынымызды айттым. Сол кезде алғаш рет Ұлттық құрылтай туралы бастама көтердім.

Үш жылдың ішінде Қазактан жаңа тұратты ел болды. Саяси реформалар жан-жақты өзгерістер жасауға мүмкіндік берді. Жалпыхалықтық референдум арқылы Ата заңға түзетулер енгізілді. Парламенттің құзыры кеңейді, Үкіметтің жауапкершілігі артты. Адам құқықтарын қорғау жүйесі жақсарды. Конституциялық сот құрылды. Шешім қабылдау үдерісіне азаматтардың белсене қатысуына жол ашылды. Басқа да бағыттарда маңызды реформалар жасалды. Жергілікті билік түбегейлі жаңғыртылды. Үш жылдан астам уақыт ішінде ауыл әкімдерінің 72 пайызы жаңарды. Оның үштен бірі – бұрын мемлекеттік қызметте болмаған азаматтар. Бір сөзбен айтсақ, аймақтардағы атқарушы билікке жаңа адамдар келіп жатыр. Пилоттық жоба ретінде аудандар мен облыстық маңызды бар қалалардың 45 әкімі сайланды. Быылдан бастап барлық аудан әкімдерін халық тікелей сайлайтын болды. Түрлі деңгейдегі мәслихат сайлауы өкілді билік органдарының жұмысына тың серпін берді. Облыстық және аудандық мәслихат депутаттарының 90 пайызы бір мандатты округтен, яғни тікелей дауыс беру арқылы сайланды.

Билік жүйесінде мұндай ауқымды өзгеріс бұрын-соңды болмады. Ел ішіндегі өзгерістерге Ұлттық құрылтай мүшелері де орасан зор үлес қосты. Жұртымызды ортақ мақсатқа ұйыстырып, игі істерге жұмылдырды.

Алқалы жиын алғашқы күнінен бастап жалпыхалықтық жаңғырудың символына айналды. Қоғамдық диалогтың жаңа үлгісі қалыптасты. Өзара түсіністік пен құрмет бар жерде келісім болады. Құрылтайдың түпкі мақсаты да – осы. Кешеден бері Ұлттық құрылтай мүшелері көптеген бастама көтеріп жатыр. Қоғамымыздың ең өзекті мәселелері жөнінде қызу талқылау өтті. Құрылтай мүшелері, шақырылған мамандар бұл мәселелер бойынша өз ұсыныстарын айтты. Үкімет мүшелері, Президент Әкімшілігінің өкілдері, Парламент депутаттары көптеген сұрақтарға жауап беріп, пікір алмасуға белсенді түрде қатысты. Баршаныңға ризашылығымызды білдіремін.

Енді бірқатар мәселеге арнайы тоқталып өткім келеді. Ең алдымен қоғамда қызу талқылауып жатқан салық реформасына қатысты пікірдіміз айтайын.

Салық жүйесі, бұл – бүкіл мемлекеттік жүйенің тірегі. Бюджетте қаржы болмаса, мемлекет өз міндетін толық атқара алмайды, әлеуметтік міндеттемелер де орындалмайды. Бұл туралы жаңа бәлгілі экономист Жаксыбек Күлекеев жақсы айттып өтті. Сондай-ақ Құрылтай мүшелері Қайырбек Арыстанбеков, Марат Башимов, Ерлан Саиров, Расул Рысмамбетов және Мұрат Әбенов салық-бюджет мәселесіне қатысты орынды пікір білдірді.

Еліміз үшін аса қажет шаралардың мән-маңызын халыққа егжей-тегжейлі түсіндіру керек. Жұрттың бәрі экономист немесе қаржыгер емес. Мемлекеттің қандай шараны не үшін қолға алып жатқанын бәрі бірдей түсіне бермеуі мүмкін. Сондықтан реформаның мәнін әр адамға түсінікті тілмен жеткізу керек. Үкімет салық реформасына қатысты жаңа тәсілдерді ұсынды. Бұл шаралар, жалпы алғанда, дұрыс. Онда негізгі экономикалық және әлеуметтік факторлар ескерілген.

Жалғасы 2-3 беттерде

15 НАУРЫЗ – ҚАЙЫРЫМДЫЛЫҚ КҮНІ

Құн-Адам болайықшы бәріміз...

Көктем мейірімділік пен жылулыққа толы ай. Биыл қасиетті Рамазан айы көктеммен тұспа-тұс келіп, көңілге қуаныш ұялатқандай. Өткен жылдан бері Наурыз мерекесі жаңа форматта тойланып келеді. Мұндағы мақсат – мерекенің түпкі мәніне қайта оралу. Бір күн емес, он күн бойы тойланған бұл мерекенің аса-төк шашылуы емес, әр күнінде мән бар. Кеше Амаз мерекесінен бастау алған наурызнама кестесі бойынша бүгін – «Қайырымдылық күні». Қайырым жасау мұқтажға ақша беру немесе сыйлық жасаумен ғана шектелмесе керек. Кейде айналанды жылы сөзбен, жақсы ісіммен, көркем мінезбен де қуанышка бөлейсің. Меніңше, ең ізгі амал осы. Ақын Назира Бердальның «Құн-Адам» деген өлеңі қайырымдылық күнінің мәніне деп тұскендей.

Пәк дәптері адамзаттық күнәдан,
Жоқ сәттері жұрт алдында жылаған...
Айналага жылу сыйлап жүретін,
Әркімде бар Құн-Адам.

Ең бірінші соны іздейміз мұнайсақ,
Естен шығып кетер кейде... қуансақ.
Өз жүрегі, өз көңілі Құн аңсап,
Күліп жүре береді ол.
Құн-Адам.

Ешкімнің де қайтармайды меселін,
Ешкімге де айта алмайды кеселін,
Түні бойы жасқа шылап төсегін,
Таңда күліп оянады, Құн-Адам.

Құн бар кезде тіршілік бар, тіріміз,
Адам-Күннің қадірін біліңіз!
Бізге де бар Күннің титтей бөлшегі,
Сыйлайықшы, бірімізге-біріміз.

Құн-Адам, ұзақ өмір сүріңіз!..

P.S Айналамызға жылу сыйлап жүретін Құн-Адам болайықшы...
Гүлмира МАҒТҰМҚЫЗЫ

АМАЛ КЕЛДІ, ЖЫЛ КЕЛДІ!

ҚҰРМЕТ ПЕН ІЗЕТ БАР БҰЛ КҮНДЕ



Ата, бір жасыңызбен!

– Бар бол, қарағым, айналайын...

Таң сәріден басталған осынау ізгі ниеттер күн батқанға дейін жалғасады. Бұл күн – Амаз мерекесі, яғни Көрісу күні.

Бүгінде Жер-Ана бусанып, тоны жібіді. Көктемнің шұғылалы шуағы сезіледі. Наурызың алғашқы күндерінен мерекенің легі бастау алды. Қыс ызғары қайтып, көктем келгенде ерекше атап өтетін мерекенің бірі – Көрісу күні. Бұл мейрам қыстан қысылмай, аман шыққаны үшін шүкіршілік ету ретінде тойланады. Наурыз мерекесінің алғашқы күні де осыдан бастау алады. Шығу төркіні тереңде жатқанымен осы мерекені тойлау енді-енді ғана өрісін кеңейте бастады. Жаңа жылға аман-есен жеткені үшін әрбір адам осылайша қуанады. Жастар жігі түсіне бермегенмен, көнеқөз қариялар уақытында оны қалай тойлағанын жыр ғып айтады. Мағынасы тереңде жатқанын ұғыну қиын емес. Бүгінде ол ел ішінде кенінен дәріптеліп келеді.

4-БЕТТЕ

■ МӘСЕЛЕ

ЖЫЛҚЫҢ – ЖҰЛДЫЗ, ҚОЙЫҢ – ҚҰНДЫЗ

ет жеу арманға айнала ма?



Әзіл-шыны аралас «ет жеуден қасқырды да басып оздық» дейтін қазекем расымен қиындыққа тап келген тәрзіді. Ақпаннан бастап жер-жерде «ет бағасы көтеріледі» деген жаңалыққа жұртшылықтың жарғақ құлағы жастыққа тимей, аңдысын аңдыған. «Бақсақ, бақа екен» деп, алдымен сиыр етінің құны шарықтады. Базар бара қалсаңыз, келісін 3 мың теңгеден аласыз. «Жылқы еті болса, болды» деп сиыр етінен бас тартқан тұрғындар енді жылқы етінің де бағасы көтеріліп жатқанын көріп, «енді ет жеуді қоюмыз» деп дабыра құюлда. Жағдайдың жай-жапсарына қанығу мақсатында жан-жаққа сауал тастадық.

Ең әуелі мал бағып, бордақылап, өзі жемегенді төрт түліктің аузына салатын ауылдағы ағайыннан бастайық. Сейсенбіде ат арытып, барлығы облыс орталығындағы мал базарға келеді. Қорасына түлік жинаған әрбір жанның бас қосатын ордасы – бұл. Жер қайыстырған малдың арасында іздегеніңізді табысыз. Қозы-лақ пен қой-ешкі, жылқы мен сиыр, олардың



Суретке түсірген
Нурболат
НУРЖАУБАЙ

ҒАСЫР ЖҮГІН КӨТЕРГЕН ҮСТЕЛ

Ғасырлық тарихы бар үстел. Балкім осы үстелге тіл бітсе талай тарихты айтып берер ме еді? Мұндайды жиі кезіктіре де бермейсіз. Осы үстелде Қазак АКСР Мемлекеттік банк басшысы жоғары деңгейдегі қаржы мәселелерін шешкен. Тіпті бұл үстелде казак тағдырына қатысты талай құжатқа қол қойылған шығар, бәлкім.

Қалай айтқанда да ұлт атауы өзіне қайтарылған қасиетті Қызылордаға казак зиялысымен бірге көшіп келген жиһаз бұл. Құнды жәдігер Акмешіттен бұрын ел астанасы болған Орынбордан әкелінген. Бүгінде шәкірттердің санасына сәуле шашып, «Ұлағат» білім ордасында тұр. Қандай керемет, иә?!

4-БЕТТЕ

бас жібінен бастап, жейтін азығына дейін осында әкелінеді. Алушы арзан алушы, сатушы қымбатқа сатуға қалайды.

Азат Балғабайұлы Қызылорданың іргесіндегі Қоғалықол ауылында мал бордақылау ісімен айналысады. Төрт түлікті кәсіп қылғанына жиырма жылға жуықтаған.

– Қазір ғана жемге келіп тұрмын. «Абзал и К» серіктестігінің зауытының өзіне 30 келілік қашықтағы жем бағасы – 2700 теңге. Одан тікелей ала алмаймыз. Одан алып, бізге сататын кісілер де пайда табу қамымен жүр. Үстіне тағы қосқанда, өзіңіз ойлай беріңіз. Ал базарда мал сататындар да шығынға кетпеу қамын ойлайды. Түттеп келгенде, шаруа малды алып, ауылға апарып бордақыға байлаймын дегенше, әжептәуір шығын кетеді. Қазір шаруалар еттің бағасы қанша қымбаттаса да, әйтеуір шығынға кетпейін деп жүр. Байып кетіп жатқан ешкім жоқ, бірақ қуиқоріс қамымен күнделікті наным тапса, сол олжа болып тұр. Шикізаттың бағасы, жем-шөптің бағасы қымбаттаған соң, әрине, еттің бағасының да көтерілуі – нарық заңдылығы. Етті қымбаттапаймыз деп шаруаларды шығынға ұшыратуға болмайтын шығар, – дейді ол.

4-БЕТТЕ

